

Govor vakifa Hamifović Asima povodom deset godina od otvaranja džamije u Šipovu i uručivanja Vakufname od strane Vakufske direkcije BiH dana 26.07.2015. god.

Bismilla hirrahman nir- rahim

Želio bih prvo da poselamim moje drage Šipovljane i Šipovljanke, koji su danas došli da sa nama svima obilježimo 10 godina od otvaranja naše džamije kao i ostale goste i poželio bi im da se lijepo i ugodno danas osjećaju na ovoj našoj lijepoj svečanosti.

Također bih posebno poselamio naše poštovane goste koji će svakako uveličati svojim prisustvom ovaj naš svecčani dan, a to to su:

1. Izaslanika Travničkog muftije Dr. Muharem ef. Dautović

2. Direktora Vakufske direkcije hafiza Dr. Senaida Zaimovića

3. Glavnog Imama Medžlisa Jajce Zehrudina ef. Hađića

Neizmijerna hvala pripada Dragom Allahu dž.š. što nam je podario život da svakim uzdisajem svjedočimo Njegovu volju i veličinu. Hvala mu na svim ostalim neizmijernim blagodatima kojim nas je opskrbio, sjećamo se svakim otkucajem srca Allahove moći i milosti kojom nas neprestano obasipa.

Salavat i selam na Kur'an koji je zemljom hodio, na najdobronamjernije stvorenje, najljepše čudi, a to je Poslanik Muhamed s.a.v.s.

Allah dž.š. blagoslovio je svog poslanika i miljenika, imama svih vjerovjesnika, Muhameda dž.s. njegovu časnu porodicu, vjerne ashabe i čiste supruge, potomke i velike učenjake koji ga slijede, a koji je rekao: „Kada čovjek umre prestaju mu teći sva djela, osim nauke kojom se ljudi koriste, dobrog djeteta koje se za njega moli i zadužbinu - vakuf.

Postoji govor Allaha dž.š. u kojem kaže: Ima Božje davanje, ali isto tako ima i božje iskušenje, tako da smo svakog dana i svakog trena na različitim iskušenjima. Dragi Allah dž.š. omogućio nam je da posjedujemo mnogo različitih dobara koje smo stekli svojim umjećem i radom.

Ali isto tako svakog dana i dvakog trena stavlja nas na razna iskušenja. Dijelimo imovinu koju smo stekli trebali bi činiti hair gardeći vakufe, različite hajrate i pomažeći one koji nisu bili u mogućnosti da steknu sebi i svojoj porodici dovoljno dobara za fin i ugodan život.

Za činjenje dobrih djela Allah dž.š. će nas adekvatno nagraditi.

Oni koji ne čine hair i ne žele da pomažu siromasima, a imaju odakle, nauči će na sebe Božju mržnju i njihovo je utočište pakao, gdje će im doći prokletstvo Božje mrženje, meleka i čitava svijeta. Bog brzo svodi svoje račune.

U ime Dragog Allaha dž.š. ovu časnu kuću dao je sagraditi Plemeniti Hamidović Asim za rahmet dušu svojih roditelja, oca Nedžiba i majke Hajrije rođene Ćuk, a na radost džematlija Šipova. Kao i za rahmet dušu svih Šipovljana koji su preselili na Ahiret. Ja bih bio neobično sretan ako bih se zbog njene gradnje bar jedan čovjek više vratio u Šipovo ili ona zadržala makar jednog čovjeka više koji ima namjeru da napusti svoje ognjište.

Rijetki su trenutci u životu svakog čovjeka kad je ispunjen srećom, kao što sam ja danas. Danas se ostvario moj dosanjani san, da na zemlji mojih predaka, dijelom svog imetka, a u ime Dragog Allaha dž.š. učinim ovo plemenito dijelo. Hvala vam svima što ste mi svojim prisustvom ovaj dan učinili sretnim i zadovoljnim. Priznaću vam svima ovaj jedan od najljepših trenutaka u mom životu.

Ova džamija pored svoje uobičajene uloge, imaće posebnu važnost u smislu povratka i opstanka naroda ovog kraja. Stoga ko bi učinio bilo kakvo djelovanje u ovoj džamiji koje nije u skladu sa tradicionalnim Bošnjačkim poimanjem učenja Islama, tj. po hanefijskom mehzebu ili onemogućio djelovanje ovog mehzeba u ovoj džamiji učinio bih velik i neoprostiv grijeh. U ovom mom vakufu bezuvijetno će se poštivati propisi Rijasete Islamske Zajednice Bosne i Hercegovine.

Tu čast da otvorim džamiju imao sam ja kao vakif džamije u Šipovu. Činom uručjenja džamijskih ključeva od uvaženog reisu-l-ulema Dr. Mustafe ef. Cerića i otključavanjem džamijskih vrata kao i povratka istih ključeva uvaženom reisu-l-ulemi Dr. Mustafi ef. Ceriću izvršen je čin uvakufljenja džamije u Šipovu. Taj čin uvakufljenja podrazumijeva da se vakuf koji sam dao izgraditi kao vakif daje na upravljanje Vakufskoj direkciji IZ BiH Sarajevo. Vakufnamom je regulisano ko će njom upravljati i kako će se brinuti o vakufu.

Ova džamija je mjesto nadahnuća i učenja. Svim će džematlijama biti velika radost jer će našu vijeru, običaje i tradiciju očuvati u suživotu sa drugim vjerama i običajima koji se ovdje vjekovima njeguju.

Svi mi Bošnjaci Šipova ovdje vjekovima živimo zajedno sa Srpskim stanovništvom. Želja nam je i dalje da živimo zajedno uz maksimalnu toleranciju, jedni sa drugima, kao i jedni pored drugih, naravno u miru, slozi i razumijevanju.

Svi smo mi Bošnjaci već jednom osjetili sva prokletstva prethodnog rata, međuetničkih sukoba i sukoba između nas samih, tako da nam takve i slične nedaće nisu više potrebne i mi ih ne želimo.

Dragi moji Šipovljani, drage moje Šipovljanke kao i poštovani gosti, svi mi danas u ovoj džamiji Bosanci tj.Bošnjaci Islamske vjeroispovijesti, mi negujemo naš Bošnjački Islam tj. Evropski Islam. Mi nemamo nikakve potrebe ni za kakavim uvoznim Islamom, a posebno za onim koji bih nas mogao dovesti u situaciju da se sukobljavamo sa našim komšijama ili nedaj bože i između nas samih. Mislim da je naš narod izvukao pouku iz prethodnih zbivanja devedesetih godina i da ima toliko uma i pameti i da će se znati na pravi način oduprijeti ovakvim nedaćama.

Za moj uloženi rad i trud na gradnji ovog vakufa imat ću danas posebnu privilegiju i čast primiti jedno značajno priznanje, koji imaju samo posebni sretnici, a koje je Dragi Allah dž.š. podario bogastvom pameti, duše i srca, a to je Vakufnama. Zbog nje se je danas uputio na ovako dalek put iz Sarajeva direktor Vakufske direkcije BiH Sarajevo hafiz Dr. Senaid ef. Zaimović.

Gradnja ovog Vakufa u Šipovu trajala je cca.15 godina da bih izgledala ovako lijepo kako danas izgleda. Mi svi Šipovljani ponosni smo na ovo danas što imamo. Zato smo za ovo sve zahvalni samo Drgom Allahu dž.s.

Da bih ovo sve izgledalo ovako velelijepno dugujem zahvalnost svim džematlijama i drugim donatorima. Ukupno je bilo 235 donacija u novcu i po tom osnovu skupljeno je 28.815,00 KM i 1.500,00 švedskih kruna, a to je cca.300 KM. Sav prikupljeni novac upotrebljen je za gradnju džamijske kuće i pomoćnih objekata. Također bio je i jedan dio džematlija koji su učestvovali sa svojom donacijom u građevinskom materijalu, kao i sa svojim ličnim radom. Obzirom da nisam dobio od blagajnika tačnu evidenciju i da ne bih napravili nepravdu do bilo koga, odlučili smo da neću praviti takav spisak.

Također dugujem zahvalnost svojoj porodici čiju sam imao svestranu pomoć i razumijevanje.

Veliku ulogu u gradnji ovog našeg vakufa imao je i građevinski odbor kojem se također iskreno zahvaljujem, a posebno Samiru Ribiću koji je svojim radom i umijećem pridonio da ovaj vakuf sada ovako lijepo izgleda.

Građevinski odbor sačinjavali su:

- 1.Hamidović Asim Predsjednik G.O. - zadužen za investiciju i sva druga pitanja,***
- 2.(Hadžija) Ribić Suljo - zadužen je bio za gradnju džamijske kuće i pomoćnih objekata,***
- 3.Ribić Mesud blagajnik - zadužen je bio za prikupljanje novca i domaćinsko raspolaganje sa njim,***
- 4.Pipić Nazmija – zadužen za pravna pitanja***
- 5.Eminović Emsa građevinski nadzornik - zadužena je bila za građevinski nadzor gradnje svih objekata.***

Imali smo pomoć i razumijevanje od strane Medžlisa IZ Jajce. Za sve dobro koje su učinili za nas iskreno im se zahvaljujem u svoje ime, kao i u ime svih džematlija Šipova.

Imali smo pomoć i razumijevanje i od strane Travničkog muftijstva. Za sve što su za nas učinili Iskreno im se zahvaljujem u svoje ime, kao i ime svih džematlija Šipova.

Imali smo pomoć i razumijevanje i Rijasetu IZ BiH. Posebno od bivšeg reisu-l-uleme Dr. Mustafe ef. Cerića. Iskreno se zahvaljujemo kako Rijasetu IZ BiH tako i uvaženom Reisu.

Brigu o vakufu vodiće džematski Imam i džematski odbor koji će sačinjavati pet članova imam plus četiri člana džemata). Ulogu mutavelije obavljat će predsjednik džematskog odbora. Za predsjednika tj. za mutaveliju i džematski odbor mogu biti predlagani i birani samo džematlije, koje su svojim nesebičnim radom, dobročinstvom, stečenim ugledom i poštovanjem u džematu, te su svojim ličnim radom materijalno pomagali rad i dijelovanje ove džamije.

I na kraju podsjetio bih sve ljude dobre volje koji su u mogućnost da čine dobra dijela, neka ih čine. Ako činimo dobra dijela i Dragi Allah dž.š. će im uzvratiti istom mjerom. Tokom gradnje ovog mog vakufa i sam sam se uvijerio u isto. Obzirom da su mi se tokom gradnje ovog mog vakufa dogodili najljepši događaji u mom životu. Imovinsko stanje značajno mi se uvećalo, obadvije moje kćerke diplomirale su na fakultetima u Ljubljani i dobio sam zeta Enesa i unuku Iman. Neznam šta bih to još mogao u životu još više da poželim osim ovog sa čime me je Dragi Allah dž.š. nagradio.

I zbog svega toga zahvalan sam Dragom Allah dž.š.

Svim prisutnim i čitaocima ovog teksta samo jedno mogu poručiti, da Vas Dragi Allah dž.s. nagradi sa svim dobrotama ovog i onog svijeta i da činite samo dobra djela.

Sve što je vakif svojim nijetom dobroga uradio u ovom svom vakufu predaće se i uknjižiti kao Vakuf. Stoga, od sada nije dozvoljeno ovaj vakuf promijeniti njegov izgled u bilo kojem smislu, niti obustaviti njegov rad, tako da se protivi sadržaju ove isprave. Nije nikom dopušteno ko vjeruje u Boga, Poslanika, sudnji dan, bio on vladar, minister, sudija, vijerski službenik da pokvari ili obustavi rad ovog vakufa ili promijeni ovu odredbu. Ko bih to učinio, počinio bih zlo, prouzrokovao bih sebi velik grijeh shodno riječi Božijoj:

Zar nije prokletstvo Božije prokletstvo nad nasilnicima, koji urade bilo šta bespravno u ovom mom vakufu. Bog će ga objesiti o vrata od sedam zemalja u paklenoj vatri. Stoga, ko se protivi Božjoj knjizi i odredbama, njegovog Poslanika, taj je navukao na sebe Božju mržnju i njegovo je viječište pakao gdje će mu doći prokletstvo Božje, meleke čitava svijeta.

Hvala vam na svemu.

Vakif, Hamidović Asim

